

敬鄉筆述目錄

卷七

天津升州爲府

七十二沽說

天津水師始末

春圻臚豫詞摘錄

恩賚耆年

祀竈日期攷異

會文書院建立紀略

敬鄉筆述目錄

一

長春書屋

義塾建立紀略

燈牌建造棚廠紀略

稽古寺藏經閣燬紀略  
並紀稽古書院

津門古文所見錄梓傳

天津總督駱公

天津總鎮王公  
附邑人李槐圃總戎

營兵蕭國泰義舉

升任臬司天津道丁公

新建厲壇紀略

名宦建置紀略 附紀公舉善舉義舉建置

卷八

列傳辨證 十三則

選舉錄辨證 九則

貢生例貢辨證 九則

辨證彙紀 十則

著述名目補遺攷證 五則

遂閒堂張氏攷

張笨山舍人

敬鄉筆述目錄

二

長春書屋

于斯堂查氏攷 二則

查漢客處士昆季

直抒管見 四則

敬鄉筆述卷七

天津徐士鑾沅青輯

天津升州爲府

華梅莊學博米齋札記雍正八年十二月署直隸總督唐執玉疏稱天津直隸州係水陸通衢漕鹽聚泊旗民混淆一切巡察防捕及承辦水師營各項軍功差繁事尤請升州爲府附郭置天津縣專理地方事務從之尋定天津新升府曰天津附郭設縣檢閱舊邑志地輿天津自明永樂置衛國朝初因之雍正三年改天津衛爲

敬鄉筆述卷七

一

長春書屋

州將衛原轄一百七十三屯就近併入武清靜海青縣滄州南皮又歸撥武清靜海滄州三州縣地凡二百六十七村莊入天津州九年設天津府改州爲縣永爲畿輔大都會云案舊志所載如此未敘署直督唐執玉疏請升州爲府一節續志亦未攷覈補載爰錄存之俟重修志乘者裁察焉又札記唐執玉江蘇武進人進士雍正七年六月署直隸總督八年十二月疏請天津直隸州升府九年五月請以廣平府知府李梅賓調補天津府以清河縣知縣徐而發調補天津縣檢閱舊志職官

天津府縣皆注雍正九年設知府首李梅賓知縣首徐而發與此符合以此證之唐執玉疏請升州爲府一節地輿志理應載入天津府縣新設亦由署直督唐執玉疏請實缺之府縣調補職官志似應敘明重初任詳始事也梅莊先生記此二則蓋深有意者

### 七十二沽說

續天津縣志載七十二沽說天津有七十二沽之名實只二十一沽曰丁字沽西沽東沽

東沽在窩窪見明時窩窪元帝廟磬文曰

東沽港村今元帝廟改淨土院

三汊沽小直沽大直沽賈家沽邢家沽

### 敬鄉筆述卷七

二

長春書屋

鹹水沽葛沽元沽草頭沽桃源沽盤沽四里沽鄧善沽郝家沽東泥沽中泥沽西泥沽大沽此二十一沽從西潞河名也西潞河一名西沽河在寶坻者二十九沽曰翦子沽南寨沽五道沽小塔沽又小塔沽王家沽曹家沽葫蘆沽青稗沽于家沽梁家沽貂子沽西魯沽東魯沽菱角沽砘石沽塔沽半截沽大洵沽瑪瑙沽大駱里沽小駱里沽大沽灘沽北李子沽南李子沽八道沽傍道沽西壯沽在甯河者二十二沽曰齊家沽南沽江石沽大麥沽傍道沽捷道沽麥子沽東槐沽中興沽北澗

沽盤沽南澗沽鉤樓沽漢沽馬杓沽李家沽又李家沽  
螳頭沽甯車沽塘兒沽田家沽豐家沽此二縣五十一  
沽從東潞河名也東潞河一名東沽河

案天津舊有七十二沽之名詩人相沿入於歌  
詠所見不僅津人爲然續志載此說必有所本  
然未敘出見自何書攷證者何人實爲憾事

畿輔通志載大直沽在縣東南十里小直沽受羣川之  
流大直沽又在其東南地勢平行羣流漲溢茫無涯涘  
故有大直沽之名方與紀要小直沽在縣東南雍正志卽宋泥

### 敬鄉筆述卷七

三

長春書屋

姑政和二年改曰河平謹按縣志今海口有尼姑在小  
直沽東南一百餘里方輿紀要謂尼姑卽小直沽疑誤  
葛沽在縣東六十里雍正志鹹水沽在縣東南六十里卽  
古豆子甬也大清一統志河間之豆子甬今鹹水沽是也東  
去海四十里括地志謹按以上四沽卽縣志所謂海河也  
大直沽以東又有賈家沽元沽泥窩卧河白塘口劈地  
口三汊沽四里沽盤沽雙港鄧善沽郝家沽東沽草頭  
沽桃園沽邢家沽上下小沽皆海河所經特因地異名  
耳天津有七十二沽之名今在縣境者實只二十一沽

皆從西路河名也西路河一名西沽河案以下所載與前說一字無異

不複錄通志於謹案一段後尚有西沽大沽二條亦照錄於後西沽在縣東北納三角

淀之水入直沽雍正志河形如丁字故又名丁字沽大沽

口在縣東南一百二十里大清一統志河流入海處兩岸壁

立一域中橫土人謂之海門鹹潮抵海門而止明一統志

案畿輔通志所載大直沽小直沽葛沽鹹小沽

西沽卽丁字沽大沽 六條俱見天津縣舊志

續志不複載僅於河渠後附七十二沽說詳閱

通志一名西沽河句下敘在寶坻者至末一名

#### 敬鄉筆述卷七

#### 四

長春書屋

東沽河句與前說一字無異惟敘天津沽名與

前說不盡相同知亦必有所據然亦未敘見自

何書茲並錄存俟再攷證

#### 天津水師始末

嘯亭雜錄載雍正中憲皇帝念津門附近京畿海防綦

重因設滿洲水師都統一員副都統二員其協領下若

千員兵三千名守禦海口以防鯨濤不測之變然滿兵

雖雄健不利水師初設時章程草率所訓練技藝不及

綠營之半乾隆丁亥純皇帝巡幸津甸是日大風海船

逆勢難以施演時都統爲奉義侯英俊年既衰老復戎裝繁重所傳令俱錯誤而兵丁技藝旣疏隊伍紊亂竟操喧譁不絕上大怒因裁革焉查舊邑志海防雍正四年設天津水師營舊志成於乾隆四年己未彼時水師猶設也再查續邑志海防兵制稱我朝雍正間添設水師河標諸營與總鎮相表裏因時制宜或沿或革檔冊闕如姑就可考者著於篇云云統閱全文水師因何裁撤事在何年皆所不知茲據雜錄所載知裁革在乾隆丁亥蓋乾隆三十二年也

敬鄉筆述卷七

五

長春書屋

謹案續邑志恭紀臨幸乾隆三十二年三月上駕蒞天津循覽河隄閱兵於海光寺前幸新城水師營裁汰官軍以是證之雜錄所稱乾隆丁亥裁革水師正相符合續志所紀係據蔣雄甫明經稿本其曰裁汰官軍蓋未悉裁革之詳而修志者於此事更未稽攷僅以或沿或革檔冊闕如敷衍之未免太蹈空矣

春圻臚豫詞摘錄

吳閣學省蘭春圻臚豫詞一冊蓋恭紀乾隆五十九年

甲寅聖駕六巡淀津進呈之作其詞百首皆恭集御製  
詩句其間聖駕至津門數首謹錄存之用誌恩幸詩云  
開元歷五十有九觀象爲乾數合陽曼壽益增體益健  
引懷總是爲民長右第二楊柳青青護水村幾多生計箇  
中存水村也足農桑趣澤共東風到處溫右四十八御舫吉  
行旋亦駐水營因以構河干層城十二難爲數東指津  
門迤邐觀右四十九煙程水驛共徘徊春入平湖鏡欲開煖  
入人家初試網野翁依舊獻魚來右五十崇禧古觀枕津  
河祝壽惟祈萬歲多一念純誠昭格本越深顯若奉天

敬鄉筆述卷七

六

長春書屋

和右五十一海河常送海潮音香色同參靜且愔途接瀛津  
非遠路金蓮萬朵映瑤林右五十三重此津門間俗來遙觀  
波影擁蓬萊迎鑾喜氣騰鳧藻萬物春臺果是臺右五十四  
陽和有腳戴洪鈞河上行宮綠柳循白叟黃童皆抃喜  
太平音裏太平人右五十五海門東望接扶桑河畔崇祠金  
碧煌兩字鴻章該造物由來皇祖聖恩長右五十六近海古  
來無海患鏡中朗朗夜珠銜可知海印發光處看取神  
機大不凡右五十八南北運河清貫中河工誠擅古今功漕  
艘北上斯千庾有繼餘糧後路充右六十奉時施惠仰流

鱗老者尤憐命賜銀侍衛囊金例行賞飽籌其腹煖籌  
身右六十三經過賦免十分三仍與優恩普被湛恩沛寧無

需再沛催科概豁澤均覃右十四顏堂偕樂在楣楹樂向

春臺驗物情研靜甌香閒點筆吉祥雲裏吉祥聲右十七

恩優三接例依前卜晝寧須寶炬燃賜以饌應同眾豫

天膏濃處沃心田右十八衣冠進退肅無譁獻賦長楊滿

屬車恩撫春箋抽乙乙管城無處不生花右十九釜海曾

無薪爨勞化工何物不鈞陶蘆田概與均蠲負好及耕

時潤土膏右十二恰如蹕路喜來迎正直平康視所行紫

### 敬鄉筆述卷七

七

長春書屋

綺朱提頌渥澤行間踴躍倍常情右十三畫裏詩中紀往

遊六番賡唱憶從頭兩端問俗觀河要獨有民情戀尙

留右十六兆啟文昌壁值辰鳴鑼催絳發通津仙萸餘葉

詎全落生意原含不盡春右十七三月小建是漪

碧偏宜近水亭配藜元氣護揚舲西沽三水匯流處行

館迴看柳墅青右十八西沽距柳墅行宮十隄頭

以上至南倉蟠螭橫波飲練長右十九東堤頭村及霍家嘴南

倉改隄建橋出塌河淀七里海薊右二十關切民依銘實念爲

運河以入海睿謨廣運永慶安瀾右二十一籌引導並瀦藏

十右二十二截漕南糧建北倉是爲最要接青

黃民情愛戴今猶切每對南風緬舜皇

右八十年 雍正甲辰命建北倉

四十八座存貯南漕今上益宏惠濟截漕振恤巽命屢頒閭閻得早霑恩

謹案續邑志恭紀

臨幸乾隆五十九年聖駕蒞天津進北門出東門入行宮越日進東門出北門拈香河北藥王廟駕至鼓樓百姓歡迎擁擠至輦不能行天顏甚霽詔免錢糧十分之三所紀僅此鑾繹詩意此次巡幸天津仍召試諸士暨賜宴恩賞老民想述紀者未悉其詳故闕而不書然可檢長蘆鹽法志畿輔通志參攷之似未可簡率敷衍僅就蔣明經纂稿而錄也余謹摘要錄出既誌恩幸並留

### 敬鄉筆述卷七

八

長春書屋

備異日攷證云

#### 恩賚耆年

長蘆鹽法志盛典乾隆五十年正月初八日恩宴千叟於乾清宮長蘆商人徐永鑑楊伯壘張長庚皆蒙恩入宴賜給徐永鑑賞賚一分御製千叟宴詩一幅如意一柄壽杖一具大緞一匹錦一匹宮綢一匹羽紗二匹貂皮六張絹箋十張福字箋十張湖筆十枝徽墨五錠端硯一方洋煙一瓶鼻煙壺一具大荷包一對小荷包一對楊伯壘賞賚一分御製千叟宴詩一幅如意一柄壽

杖一具貂皮六張錦一匹銀絲茶盤一具鼻煙壺一具  
福字箋十張大緞一聯絹箋十張洋煙一瓶端硯一方  
湖筆二匣荷包一匣張長庚差同以上續志耆壽載徐

永鑑原注以子瀾貴封奉直大夫舉人楊伯壘守備張  
長庚乾隆五十年正月八日恩預千叟宴御賜詩章如  
意壽杖錦緞綢紗湖筆端硯所記如此未免太簡略矣  
既不足昭朝廷優渥之恩賚且無以彰我邑人身被之  
寵榮况徐楊張三君蘆商中之耆年者耳一封職一舉  
人一守備荷此殊寵洵曠典異數也不解續志竟未詳

### 敬鄉筆述卷七

九

長春書屋

載余特錄出以表彰之可想見國家富厚盛隆景象案  
徐永鑑卽北山封翁詳見卷一守備張長庚選舉錄武舉  
武進士無其名當是捐職楊伯壘乾隆壬申科副榜丙  
子科舉人榜名秉鐸良鄉縣訓導伯壘預宴並蒙賞賜  
有紀恩詩載長蘆志文藝紀恩詩中

### 祀竈日期攷

仁和蔣秋吟侍御秋吟詩鈔沽河雜詠詠祀竈詩有二  
十四日歲小除家家祀竈上燈初之句檢閱邑舊志風  
俗二十四日備餠飴祀竈舊志成於乾隆四年彼時仍

用二十四日蔣秋吟蓋因舊志而詠也續志二十三日祀竈後易桃符門神案續志特書此條正因不同舊志然卻無一語注解因攷畿輔通志援據帝京景物略十月二十三日以餠劑餅黍饒棗栗胡桃炒豆祀竈君以槽草秣竈君馬謂竈君翌日朝天去云以此觀之自國初帝京祀竈用二十三日畿輔環京久則相率改用二十三日亦情理中事也帝京景物略語極圓通謂竈君翌日上天去則二十三日之祀蓋預祀祀用二十四兩日均無不合也

敬鄉筆述卷七

十

長春書屋

會文書院建立紀略

會文書院專課舉人光緒元年二月由附貢生婁舉信稟懇馬太尊繩武創建考課詳請祝署運司塏轉詳爵閣督憲李允准集捐建立改文學後院聖祠爲講堂又建學舍三楹於西遂請督憲開課嗣應課人數增盛光緒五年復經馬太尊稟請如都轉山會同綱商嚴克寬黃世熙履勘地基就文學後院開拓買民房數處添建房舍一切規模悉備院門北向在倉廩之東至八月二十日懸匾落成每月司道府縣分府輪課應課者計五

六十人會試年分督憲賓興應課多至百餘人二十年來造就人材不少文運振興實賢有司鼓舞之力也爰掇其要記之異日修志例應詳載則有碑記冊籍在

### 義塾建立紀略

會文書院設有義學總塾五處關道憲三塾曰崇正陳子敬觀察欽所立曰崇敬曰崇文黎召民觀察兆棠續立運憲一塾曰會文署運司馬松圃太守繩武所立府尊一塾曰興讓亦馬太守所立皆准貢生婁舉信蘆綱總商嚴克寬稟請也義學分塾分設於城內外者二十

### 敬鄉筆述卷七

十一

長春書屋

處運憲十塾關道憲九塾府尊一塾總塾專收貧寒行文之童己未完篇者分塾則收貧寒幼童蒙童之讀書者至開筆做小講卽改入總塾分塾各有名目人數皆有定額保送者挨次補入法良意美廿餘年來總塾應試之童科歲兩試或進學五六人或四三人雖入泮後例不留塾而有志向上者求良師益友指教並肄業輔仁書院暨問津三取書院考課名登賢書者知己不少矣謂非賢有司作育之力乎爰濡毫樂爲之紀至各義塾之設立始自何年何任則官署具有卷宗在

燈牌建造棚廠紀略

續邑志載院試燈牌爲邑廩生王鏞候選治中華光煒創製每牌五十人按照府取名次排書臨點挨次而入免致擁擠誤名蓋因道光癸卯學使者馮公芝凡頭門外唱名不到者不准補點也光緒初年縣府兩試正場暨外六州縣童生府院試生員院試亦一律備辦光緒乙亥縣試適遇大雨經婁貢生舉信稟明府縣卽在貢院西巡牆外建造棚廠一所寬九間長十八間設有長凳俾應試者坐候點名此後又經改造棚廠廓充可容

敬鄉筆述卷七

十二

長春書屋

千餘人棚南爲執事人公所東西房各三間大門南向臨近貢院西轅門以便領燈牌而出舊設西向之大門作爲便門應試者入棚最便也兩次建造俱係情願出貲者自辦始則無擁擠誤點之虞繼更免雨水淋漓之苦洵義舉也爰濡毫紀之

稽古寺藏經閣燬紀略

並紀稽古書院

朱竹垞檢討彝尊曝書亭集天津稽古寺藏經閣記城之西門有稽古寺藏經之閣峙焉地近海多風飛沙晦冥歲久閣圯浮屠含光者新之予艤舟道此登焉夕陽

在衣風鈴錚然翔鳥上下爲之目曠神怡云云余讀是記重有慨焉光緒十三年以前寺僧非人盜賣香火田地經西城士紳將該僧驅逐集捐將地畝房產贖回於是年秋改爲稽古書院專課經古從十四年春起督院開課甄別以後司道府縣輪課又經天津府汪太尊守正將因案罰款撥入書院發典生息充作經費詎於十八年三月初八日寅刻怪風大作須臾西北方紅光燭天照徹城內傳云鈴鐺閣街板廠不戒於火延燒藏經閣俗稱鈴鐺閣所有閣上檁梁俱向閣心落下不但鄰

敬鄉筆述卷七

十三

長春書屋

無所燬卽第一層殿並三門毫無傷損亦可異矣閣上經櫃十六貯藏經全部前一年經書院董事張子笏廣文紳王用霖大令承勳檢查標籤藏於櫃中一旦煨燼殊爲可惜案舊邑志稽古寺在西門外西北隅萬曆七年勅建康熙十八年重建有藏經閣論者謂若仍寺僧住持遇如含光者尚可望其建復今寺已改書院閣燬閱五年矣未聞有議修建者吾邑又少一古蹟未知何日得復舊觀也爰泚筆記之

津門古文所見錄梓傳

津門古文所見錄郭筠孫明府師泰之所輯也先生酷嗜古文每見鄉先輩著作必手錄之積久成帙得文一百二十四篇賈廷琳案是書刊於光緒十八年連附錄實共一百二十五篇原凡例總數誤少一篇故此亦作者凡六十一家釐爲四卷筮仕後攜往任

因之誤所擬付劄劄以廣其傳旋因粵匪竄擾皖江軍務倥傯不遑及此未幾去官宦橐蕭然賚志以歿迄今閱三十餘年矣先生子喬齡又以清貧如故深憾未能承先人之志因商諸伊之至戚華樂農景安樂農乃稱貸爲刊行之俾鄉先輩著作不致淹沒弗彰且使吾邑後學得見先正典型知所趨步其深情雅誼有足多者豈僅慰筠孫先生之靈於九京也哉余見此集之梓傳也爰濡毫記之

天津總督駱公

趙耘菘簷曝雜記載王阮亭池北偶談故明錦衣衛指揮使駱養性崇禎時熊開元姜琛以言事下錦衣獄一夕帝御筆諭養性取二犯絕命養性附奏繳御筆謂言官有罪當明正典刑今以昏夜殺二諫官臣不敢奉命適帝意亦解遂得不死按東華錄養性入本朝順治二

年爲天津總督奏請田賦悉照明代原額其遼餉五百萬新餉九百萬練餉七百三十萬一概刪除得旨允行是時天津尚沿明季設有總督故養性得之而竟能奏免天下二千餘萬之加賦可謂天下陰受其福而不知我國家萬年有道之長實基於此是養性之功不特救熊羆一事也阮亭乃反遺之未免舍其大而誌其細阮亭又謂宋荔裳猶及見之而不言其現任官位蓋已致仕退閒矣檢閱舊邑志職官天津督餉部院駱養性北京錦衣衛人世襲指揮順治元年任次列張忻山東萊州府人進士順治二年任奉裁改部院爲巡撫東華錄謂養性順治二年爲天津總督或奏免加賦在二年未可知也觀駱公此舉天下陰受其福誠爲匪細實在天津督餉部院時爰照錄以傳之

天津總鎮王公 附邑人李槐圍總戎

梁苴鄰南省公餘錄本朝三元乾隆間一錢榮道光初一陳繼昌無人不能舉其名乃有孝廉王某來謁並以硃卷見贈閱其卷首里貫載太高祖玉璽字楚珩又字筠衡中順治辛丑鄉試第一壬辰會試第一廷試亦第

一爲之愕然既詳其仕履則武科也仕至天津鎮總兵加都督銜越日某孝廉又以三元公家傳呈閱乃知於前明崇禎間已中武鄉闈第一人入本朝乃棄去重應試此亦科名中一佳話而載筆者未之及故附記之檢閱舊邑志職官天津鎮總兵無三元王公之名舊志於總兵官並引畿輔通志順治初改駐天津府况職官皆有官冊可稽必無漏列之理茝鄰中丞既見王孝廉硃卷又見三元公家傳所述名字科分官階加銜甚詳亦無誤記天津之理當是三元王公簡放天津鎮總兵未

敬鄉筆述卷七

十六

長春書屋

曾到任官冊無名志書故難載入爰錄存之俟再攷詢續邑志選舉錄武舉乾隆辛酉科李經世名下注解元見進士武進士乾隆乙丑科李經世名下注字槐圃會元殿試一甲第二名侍衛仕至廣西右江鎮總兵余閱至此深爲槐圃總戎惋惜是吾邑不應出此當日若中三元繼美楚珩王公二總戎後先輝映武科中更添一佳話也檢閱人物志武功無李槐圃總戎傳余意槐圃由侍衛仕至總兵其間當不無武功甚冀再有所見可爲槐圃總戎立傳爰附錄王楚珩總戎後以表章之

營兵蕭國泰義舉

米齋札記雍正十三年正月二十六日天津城守營兵  
丁蕭國泰獨行郊外曠野見有旅客墮驢中風不能言  
語所帶行李貨物國泰不生覬覦至營房呼喚汎兵同  
負至古廟中醫治多時復遣人將病者之父史陞公喚  
到認明衣服等物並銀二百五十兩俱無遺失經李制  
府衛疏請獎賞奉硃批以匹夫匹婦之愚而能輕財尚  
義慕善樂施允屬難得於斯足徵風俗向淳之漸覽奏  
朕懷曷勝愉悅檢閱舊志人物蕭國泰有傳傳末云有  
司請於朝賚之銀並給匾表之傳中未敘硃批語案米  
齋札記載此知梅莊學博蓋從雍正硃批諭旨錄出不  
惟表蕭國泰之義且謹誌天語之褒及風俗也余見舊  
志續志雜記所載軼事皆無多此事足資觀感舊志雖  
有蕭國泰傳續志仍可錄入雜記因錄存之同以上駱  
總督王總鎮二則雜記中俱可載也

升任臬司天津道丁公

香吟師碧琅玕館詩鈔有樂府十二章爲丁樂山觀察  
作案丁公名壽昌安徽合肥人投筆從戎迭著戰功洵

保道員遇缺題奏按察使公官天津道日多惠政不可  
枚舉謹照錄香吟師樂府十二題以見大概曰神君隄  
嚴河防也曰生佛筏濟水溺也曰哀鴻息振饑民也曰  
黠鼠消伸冤獄也曰萬間厦安流亡也曰一條冰勵清  
廉也曰延冬温施棉衣也曰厲秋肅整軍旅也  
案公在任仍統  
帶樂字營勇皆公舊部  
軍令極嚴與商民無擾曰皇路坦修北道也曰澤農謳  
開稻田也曰文星耀惠士林也曰彤管揚闡貞烈也曾  
聞師云此十二題當日與梅小樹學博寶璐同作者公  
在任奉父諱旋皖啟行日衣冠祖餞送行者沿途絡繹

### 敬鄉筆述卷七

十八

長春書屋

不絕直至河千舟次公之德政感人舉可見矣服闋來  
津卽補授津海關道旋擢直隸臬司未久疾卒實緣積  
勞所致長才未竟人爭惜之辛巳秋間官紳奉丁公神  
牌入祠  
祠建東門內石橋巷  
後河營守備署前吾津建立丁公專祠必由  
邑紳臚列德政實蹟公懇直督部堂奏請奉旨允准是  
年余甫旋里未悉其詳謹掇要紀之異日修志官署自  
有卷宗可稽也  
案祠西爲廬陽公所  
外另設門內則通連

### 新建厲壇紀略

又碧琅玕館續鈔有厲壇七古一章並序謹將詩序錄

出津邑舊有厲壇廢久矣

攷舊邑志載厲壇在城西僅此五字基址久不可尋每歲

奉城隍神出巡必蒞西郊赦孤相沿有一定地方或卽舊厲壇之遺址歟

歲丁丑大旱凡就

食流民爲分別男女以處之一日不戒於火婦孺死者

二千餘人有司卽其地復設厲壇招僧住持歲建醮傳

日鬼有所歸乃不爲厲此厲壇之義也續鈔並有紀災

七古一章亦有序末云東南一廠收養婦孺十二月四

日平旦大風廠中火發司事者不卽啟鑰死者二千人

案厲壇在城外東南隅就丁丑婦孺遭焚席廠地基營

建厲壇並造地藏王殿一廟宇也遂名之曰厲壇寺嗣

### 敬鄉筆述卷七

十九

長春書屋

知此壇建於光緒六年爲冠九都轉如山倡議者爰摘錄吾師詩鈔二序及余所攷詢者紀之

#### 名宦建置紀略

附紀公舉善義舉建置

津邑專祠之建有前大學士直隸總督曾文正公祠

諱公

國藩湖南湘鄉縣人

案祠在院署迤西大王廟旁至建祠年月督

署有卷可稽余在台郡未悉其詳也光緒九年邑紳李

世珍等聯名呈請將原任天津兵備道劉崑圃觀察秉

琳原任天津縣知縣王樸臣明府炳燮二員附祀曾文

正公祠經爵閣督部堂李據呈奏請奉旨允准是年九

月間見諸邸抄者其呈稱劉崑圃觀察潔已愛民政平  
訟理光緒二年直境亢旱竭誠祈禱捐廉助振施衣施  
藥全活饑民無算津郡創設備濟社廣仁堂勸勉紳董  
實力奉行扶正黜邪不避嫌怨稱王樸臣明府講求理  
學賈廷琳案王明府炳燮字繫齋樸臣當是別號江蘇  
元和人著有毋自欺室文集十卷又輯有國朝名臣  
言行錄十六卷廣仁堂均有刊本文教聿興崇儉黜奢風俗丕變救荒  
挑河諸政必躬必親舉辦鄉甲禁暴鋤奸勸善規惡津  
邑强悍之風爲之斂戢採訪節孝建立善堂凡有義舉  
不辭勞瘁以上二員清正廉明閭閻至今感戴云案劉

### 敬鄉筆述卷七

二十

長春書屋

觀察湖北進士王明府江蘇進士爰掇述大略紀之督  
署有卷可稽也案曾文正公祠旁  
並建有吳楚公所

案鄉甲局光緒四年王樸臣明府宰津邑時設  
立宣講聖諭廣訓直解城廂內外分設多處於  
廟宇寬廓之地按期宣講總局向設牛痘局備  
上年移會文書院

濟社爲李筱樓主政世珍於光緒二年創立籌  
捐公款生息專爲備荒濟貧嗣是富商善士先  
後立有濟生社在溜米廠引善社在大儀門西行諸善事  
時有樂助銀錢者所立善社皆稟明官府有案

廣仁堂則規模最大在城外西南隅太平莊 爲南中善士

捐貲創立者督署有案可稽他若義舉公舉則

有愍忠祠在溜米廠大街 祀光緒元年海運委員輪船

撞沈歿於王事者集賢書院在河北獅子林 專課外省

暨旗人舉貢生監浙江會館在鄉祠西 江蘇會館在倉

東 廠 由江浙兩省人宦津者集貲主持建立以上

僅紀名目大略實未盡悉其詳也若夫直督部

堂兼北洋大臣建立各局所名目實多皆關海

防軍務暨通商事宜是在修志時酌奪載所應

敬鄉筆述卷七 二十一

長春書屋

載俱有檔冊在